

Al vëgn tlarí che les comunicaziuns de publicaziuns tla plata dla cõra fates do les 20.00 dla jõbia ne vëgn nia plü metüdes tla plata.

Le dotur Eduard Agreiter é demez dai 13 ai 24 de messé y vëgn sostituí dala doturia Mahlkecht (0474 523 018 – 349 06 67 034).

Al vëgn lascé al savëi che en chësc ann vëgnel scrit fora y dé ia por 3 agn (inver 2015/16, 2016/17 y 2017/18) le **sorvisc da desparé y ingiaré les strades y plazes** dl comun a San Martin/Picolin y a Antermëia. Ciarede plü avisa tl'ultima plata dla cõra.

PLOANIES SAN MARTIN Y LUNGIARÜ

Siur ploan Iaco Ploner é demez cina en dedolönesc, ai 28 de messé, y vëgn sostituí da pater Fidelis Pezzei: 340 96 34 800 / 0474 590 133, ch'i periun dër bel.

I ti dijun **bel dilan a don Francesco y a don Mauro** che á passé sües ferias chiló da nos y che á zelebré cun cun nos l'eucaristia.

SAN MARTIN

L'Unión dl Sport da SanMartin organisëia **n iade cun la roda sön Fanes** en domënia, ai 19 de messé. Al é ince la poscibilité da jí a pe da Pederü demez. Informaziuns y prenotaziuns präibel cina en vëndres ai 17 de messé 348 91 34 168.

Festa di mituns 2015 en dedolönesc, ai 14 de messé, a San Martin, te chi Pinis. Dales 10. mëssa y dedô jüc y de vigni sort de „ciantuns creatifs“ cina les 16.30. An ciafa da mangé y da bëre. Por l'entrada é l da paíé 7 euro por möt/möta..

Le Sorvisc ai Jogn lascia al savëi che tl'edema dai 13 de messé inant mëtel man l' **Isté Deboriada a San Martin**. An s'incunta tla scora elementara dales 9.00. Implü vëgnel recordé che en chëst'edema vëgnel ince tigní le **curs da fa zaindl** por jogn y jones dla scora mesana tl Sorvisc ai Jogn, che mët man dales 8.50. Informaziuns pro le Sorvisc ai Jogn 0474 523 070.

Peregrinaje a Medjugorje dai 30 de setëmber ai 5 d'otober. Cost de partezipaziun 310 euro; acunt de 110 euro da paíé ite al momënt dl'iscriziun. La cherta d'identité ne vel nia sc'ara è arlungiada cun le stëmpl dl comun. Informaziuns y prenotaziuns Konrad y Cristina Sottara, La Val, Str.Pares 24: 0471 843 077 o 335 17 32 706

La **mostra coletiva dl'Ert por i Ladins** „Confins y Flus de Munt“ daverta cina ai 12 de setëmber tl Istitut Ladin Micurá de Rü, dal lönesc ala sabeda dales 9.00-12.00 y dales 16.00-19.00 y la domënia dales 10.00-12.00.

Conzert dla Musiga söl paiun a San Martin, en jõbia, ai 16/07, dales 21.00.

Festa dles Musighes dla Val Badia a Pidrô l'atra sabeda y domënia ai 25 y 26/07 sabeda: dales 19.00 Böhmische da La Val y dales 21.00 Blechblos'n, domënia: 9.00 mëssa, 10.00 discursc; 11.30 defilada, 12.30 show musiga di jogn, 13.00 - 18.00 conzerc dles musighes, 18.30 Südtiroler Gaudimusikanten.

En chisc dis de gran cialt, podessun jí, por n momënt, te n post olach'al é bun frësch y da se sté saurí: te dlijia, tla ciasa de Dì, che nes dá ion renfrësch y confort.



internet: www.valbadiaonline.com

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

12.07.- 19.07.2015 nr. 33

termo da publiché: jõbia 20.00

radio: 90,40 / 93,70



15ª DOMÈNIA IA POR L'ANN B

Vangele: Merch 6,7-13

Gejù â cherdè i dodesc y i à menè fora dui a dui.

Al ti à dè la potesté de paré fora i spiric impurs, y ti à racomané de ne se tó, ater co na maza, nia cun ëi sön tru, degun pan, degöna tascia de proviant, degügn scioldi tla centöna, degöna secunda ciämëja y ti pîsc mâ sandai.....

I dodesc s'à metü sön tru y cherdâ la jënt ala converjiun.

Al parâ fora tröc demonns y unjô n gröm de amarà cun öre y i varî.



Ai discepui ti âl racomané da ne se stracé do nia y jí cun pe lisier, y nos pa?

Gejù â ortié fora i apostui, dui a dui, nia ma a incundé le vangele, mo al ti â ince dé la potesté da paré fora spiric impurs y demonn,s y da varî i amarà.

Y al stá scrit che i apostui inviâ la jënt ala converjiun. Chësc n'è n laur nia saurí. Imaginësse, jí da n paisc al ater a ti trá dant ala jënt ci ch'ara ne fej nia dërt y la destó dai demonns moderns. Incomprenjiun y coienaries é sigü, da dí püch, ci ch'an ess al dedaincö da s'aspeté. Al é cotan plü saurí da ti baié bun ala jënt y da desmostré comprenjiun por döt. Che ó pa bele jí a s'la stravé pro zacai?

Co m'astili pa iö sc'i vëighi ch'al n'é de chi che se comporta mal incër me ia? Tla comunité, tla vijinanza, söl post de laur? Co me comporti pa iö cun i demonns moderns che brancia ite y nes rovina la vita zënza ch'i s'intenun? M'infidi da dí val' decuntra? Porchèl é l damí sc'an é de dui o deplü, spo pon se daidé un l'ater. Y dl ater vers, co m'astili pa iö, sc'al me vëgn trat dant val' fal?

	SAN MARTIN		LUNGIARÜ
12.07.15 15^a Domënia ia por l'ann B	9.00 Corona 9.30 Gran Mëssa por la comunité (don Francesco) cun benedisciun dl tëmp	12.07.15 Domënia	7.55 Corona 8.15 Gran Mëssa por la comunité (don Mauro) cun benedisciun dl tëmp 15.00 Corona tla capela de S. Ujöp Freindemetz
13.07.15 Lönesc <i>Heinrich, Cunigunda, Sara</i>	7.30 Mëssa a Picolin (don Francesco) en onur de Sant Antone familia Heinz Videsott de ringraziamënt	13.07.15 Lönesc	19.30 Mëssa (pater Fidelis y don Mauro) + + Paul y Maria Castlunger
14.07.15 Dedolönesc <i>Camil da Lellis, Roland</i>	19.30 Mëssa (don Francesco) + Elisa Flöss + siur Heinrich Videsott de ringraziamënt	14.07.15 Mertesc	19.30 Mëssa (pater Fidelis y don Mauro) families Albina Pezzei + + Agostin y Maria Daporta
15.07.15 Dedemesaledema <i>Bonaventura, Davide</i>		15.07.15 Mercui	7.30 Mëssa (pater Fidelis y don Mauro) en onú de San Cristofer families Paul Clara, Paur
16.07.15 Jöbia <i>Santa Maria dl Carmel, Carmela</i>	7.30 Mëssa (pater Fidelis) + Maria Unterweger por les Animes Corona por vocaziuns	16.07.15 Jöbia	
17.07.15 Vëndres <i>Alejo, Carlota, Hedwig</i>	19.00 Adoraziun chîta 19.30 Devoziun eucaristica	17.07.15 Vëndres	7.30 Mëssa (pater Fidelis) + Franz Frenademetz, Fücia
18.07.15 Sabeda <i>Arnold, Radegund</i>	15.30 Mëssa tla Ciasa de Palsa 18.30 Mëssa prefestia (pater Fidelis) aniv. Alfred Videsott aniv. Zelestin Vantsch	18.07.15 Sabeda	20.00 Mëssa prefestia (pater Fidelis) + Franz Schanung aniv. Zita Dapoz aniv. Albina Clara
19.07.15 16^a Domënia ia por l'ann B	9.00 Corona (pater Fidelis) 9.30 Gran Mëssa por la comunité cun benedisciun dl tëmp	19.07.15 Domënia	7.55 Corona 8.15 Gran Mëssa por la comunité (pater Fidelis) cun benedisciun dl tëmp 15.00 Corona tla capela de S. Ujöp Freindemetz